



UNIVERSITÄTS-
BIBLIOTHEK
PADERBORN

**Bavaria Sancta Maximiliani Sereniss. Principis Imperii,
Comitis Palatini Rheni, Vtrivsq. Bav. Dvcis Avspiciis**

Rader, Matthäus

Monachii, 1615

B. Ramvoldvs Abbas Ad S. Emmeramvm Ratisponæ.

[urn:nbn:de:hbz:466:1-79686](https://nbn-resolving.org/urn:nbn:de:hbz:466:1-79686)

B. RAMVOLDVS

ABBAS AD S. EMMERAMVM RATISPONE.

CCCL. ad.
ius.
CCL. obij.
Arnolph.
cones &
monachus
Ratispon.
vita S. Em-
merami.
Cans. An-
tig. Lect.
tom. II.
Monumē-
ta MS. Ra-
tispon. alij.



Amuoldus apud Franconas equestri loco natus anno post virginum partum nongentesimo primo, posito literarum politiorum tirocinio, sacris animum & literis & ordinibus adiecit. Nam ex ephebis egressus Treuiros petijt, Henricoque pontifici Treuirensi, cujus in D. VVolfgangi rebus mentionem fecimus, à Sacellis fuit, eo ipso tempore, quo S. VVolfgangus patruelis ejus, Ratisponensem pontificatum administravit. Erat id ætatis Episcopus provincie, simul antistes & Abbas ad S. Emmeramum; sed hæcenus, ut nomen duntaxat, non onus ferret, aut munus Abbatis administraret, quo fiebat, ut disciplinam Cœnobij laboraret, & grex admodum errabundus pastorem desideraret. Quod diligenter animaduertit Sanctus VVolfgangus & Treuiris Romualdum, cujus emendatissimam vitam accuratè didicerat, euocatum suo nomine monasterio præfecit, ipseque vltro in omne reliquum tempus præfectis cœnobij suum officium administrandum commēdavit, nec ad Episcopatum reuocavit. Quod adeo feliciter cessit, ut odore Romualdi, quem virtus religiosissimi viri per omnem Boicam, Sueuiam, & Germanias terras sparsit, tracti haud pauci bono genere nati, se in ejus disciplinam ad virtutem erudiendos, & opes immortales quærendas, relictis mortalibus committerent. Ipsi interim ingens cura pauperum, quibus duo domicilia constituit, alterum quo peregrè aduenientes exciperet; alterum quo corpore debilitatos curaret, quibus non solum ad vsum vitæ necessaria suffecit, sed ipsemet ubi vsum erat, vltima seruorum officia exhibuit. Quibus rebus efficiebat, ut ad modum S. Tobie amisso repente luminum vsum, per biennium suam Deo tolerantiam probaret, quod adeo patienter præstitit, ut magnas etiam Numini gratias haberet de oculis extinctis. Enimvero nullo interea loci munere officij intermisso, perinde rem gerebat, ac si oculatissimus esset, quamuis in administranda re familiari alienis oculis fidere cogeretur. Exactis inde annis duobus, dum quadam noctu ardentibus votis cælum pulsaret, totoque corpore se humi in æde sacrâ ad cineres S. Emmerami prosternit, Christumque ante ora in cruce pendentem veneratur, prolapsus præter vsum, in somnum visus est sibi videre Christum ex arbore sacrâ descendentem, geminosque ex arâ cereos ardentes oculis admoovere, quorum calore

S. RAMVOLDVS ABBAS AD S. EMMERANVM.




Hic luctatorum, pugilum colit ille palæstras:
 Seuua, lanista, tibi MARTIS arena placet;
 Virtutis Circo RAMVOLDVS præsidet, ex quo
 Tot mittit claros religionē duces.

WOLFGANGVS facit STADIARCHAM, præmiā cælo
 Athletis cæli conditor ipse dabit.
 I pugil, i cursor, luctator, olympionices:
 Hoc qui victor erit præsidet, semper erit.

calore

DE STELLING DER KUNSTEN
RAMONDIUS ABBAS A. CAMERANVM



INSTITUTIONES ACADEMICAE
HABITUUM ACADEMICORUM
HABITUUM ACADEMICORUM
HABITUUM ACADEMICORUM

calore excitatus, repente circumspexit, omniâque clarâ in luce sita, sensit videndi beneficium sibi restitutû, cui rei specilla ocularia testes admirandi facti in æde S. Emmerami pro anathemate suspendit. Inter hæc exortâ graui procellâ tempestatis, ruptisque pacis vinculis, in mutua arma ab Henrico Bojorum regulo, & Bertholdo Palatino, ac Imperatore Othone itum, obsessâque regia Bojorum Ratibona. VVolfgâgus jam antè in rupes Salisburgenfes clam secesserat; Ramuoldus quoq; Treuiros ad S. Maximinû redierat, quoad Mars detonaret, gratâque concordie serenitas Boijs refulgeret: cum ad suos reuersus Ramuoldus, magnos pignorum sacrorum thesauros secum detulit, eoque loco deposuit, quo jam olim, pagani rerum potiti, magnam vim Christiani sanguinis profuderant, cryptamque molitus, arâque positas S. VVolfgangus SS. Trinitati dedicarat. Ipse secundum S. VVolfgangi supremum diem calumnijs apud Cæsarem appetitus, multâque indigna passus, serò tandem cognitâ à Cæsare Ramuoldi innocentia, principi recôciliatus, diem suum sanctè feliciterque obiit, cum annos vixisset omninò centum qui Christi erat c101. i. compositus in tumulo, quem ipse sibi quinto decimo anno prius quàm defungeretur, fodi curarat. Mortem Henricus Bojorum princeps, idemque mox Imperator, aut certè pater Imperatoris, adeo familiariter tulit, vt cum Gebhardo antistite Ratibonensi accurreret, & ipse desiliens in scrobem corpus ejus exciperet, componeret, & humaret, quod olim haud paucis claruisse miraculis cognoui. Epitaphios ad S. Altare in ipsâ cryptâ hic etiam hodie legitur.

Arnulfus
Gomes.
Vitus A.
rebeckus
alij.

B. RAMVOLDVS D. WOLFGANGI PATRVELIS COGNATIONE, AMORE, PIETATE ET ORDINE GERMANVS, VIR VITA ET CONVERSATIONE INTEGER ATQVE SANCTISSIMVS, EX TREVIRENSI VRBE ET MONASTERIO S. MAXIMINI A S. WOLFGANGO EVOCATVS ANNO 975, HVIVS LOCI ABBAS CONSTITVITVR, VBI IN LABORE ET SOLLICITVDINE PASTORALIS VITÆ STRENVE DESVDANS, MAGNO SE ARDORE ET CONATV ADVERSARIIS OPPOSVIT, PLVRIMVMQVE PRO LIBERTATE MONASTERII HVIVS LABORAVIT. OTTONI II. ROM. IMP. SEMPER AVGVSTO APPRIME CARVS, MIRO DEI IVDICIO BIENNIVM CÆCVS, MIRACVLO CRVCIFIXI AD SEPVLCHRVM S. EMMERAMI VISVM RECEPIT. CRYPTAM HANC AD SANCTORVM ET POST. MEM. A FVNDAMENTIS EXCITAVIT ETC. TANDEM CVM XXVI. ANNOS, MENSES V. DIES XVII. SANCTISSIME REXISSET, FEBRICVLA CORREPTVS ANNO DOMINI c101.

*KAL. IVLII, ÆTATIS SVÆ C. BEATO FINE QVIE-
VIT, MIRACVLIS CLARVS.

*XV.